

Chindoto na Amaroro

Ichuma 1.9.2017

Obochenu ase Omotongi O Kare na Kare!

**CHINDOTO NA AMARORO
na**

Jeanine SAUTRON

**EKANISA YA FILADELFIA,
“ENTIGARI”,**

abwo barendete AMACHIKO

a NYASAE amo NESABATO YE

RITUKO RIA GATANO NA KABERE

CHUMAMOSI NOKWEGENA kwa YESO.

OKWEGENA kwa YESO:

OMOIKA

BW’OBOBANI.

⁽¹⁾ ENSE EYE YAIKEIRE OMOERIO OYE

OYIO ETANYAREKANE

OONCHORWE.

ONDE TARI ORATOORIGWE

RINDE NAENDE.

YESO, OMWANA O NYASAE

OSIEKIRE EGESIERI KI’OBWATO

BWAYE IGORO ASE ENSE EKIO

GETAIGORWE RINDE, OTIGEIRE

SAITANI ENSE NOKOBUA KWAYE NA

EBIRECHA BIAYE.

YESO ORURE ASE ENSE.

Chindoto na Amaroro

Egesieri 537, Oborori Namba 1

OBORORI

⁽²⁾ Ase oborori obo, nkarora obwato bore igoro ase ense obwo bobwekaine nobwa Nuhu.¹¹

⁽³⁾ Engaki ya abanto ba kare, omonto oyo, Nuhu, akaagacha obwato goetera ase ogochika kwa Nyasae.

⁽⁴⁾ Nyasae, ekeru aroche obobe bwa mwanabanto, agakora ogochora gotaonchore abasaria goetera ase eora ya amache. Nyasae agatebia Nuhu aagache obwato. Nabwo bwoka bwarenge enchera yoka y’ogotooreka kwa mwanabanto ekeru ekio.

⁽⁵⁾ Nyuma etoigo etaracha, Nuhu akarandia emiaka 120 **baonchoke korwa ase chinchera chiabo chimbe,** na **bamoiranere Nyasae ase ogokora amaya.**

⁽⁶⁾ Nyasae tagokora ring’ana rinde rionsi ritang’ani ataramaanora obobisi bwaye ase abasomba baye ababani. Ekurate ekarwegwa ng’a ense, amo nabanyabibe, mbasirigwe neora ya amache. Nuhu agasekererwa nabanto bonsi abwo bamenyete engaki eyio buna omonto omoriri.

⁽⁷⁾ Engaki egaika ekeru oboremereria bwa Nyasae bwaikerete omoerio oye. Eki kiare gochia kobera abasacha aba na abakungu bamenyete engaki eye gekabekwa **omouri** getaonchorwe rinde.

⁽⁸⁾ Nyasae agatebia Nuhu asoe ase obwato, ere omonyene na eamate yaye yonsi, ogendererete koganya abanto banyore obotamero ime yaye, erio batoorie amagima abo.

⁽⁹⁾ Okoboko gotari kororekana kogasieka egesieri ekio ekenene ki’obwato, kegatiga abakoengereria isiko.

Chindoto na Amaroro

Egesieri 537, Oborori Namba 2

OBORORI

⁽¹⁾ Rero Nyasae orure **obotomwa bonga buna obwo** na ogokurerwa ase ense eye, ekio aete Nuhu ase engaki yaye.

⁽²⁾ Obwato bobwekaine buna boria bwa Nuhu bwaagachirwe igoro ase ense. YESO, nere ore echibu y’emeremo eye. Nigo achete akoore emeremo ase ense.

⁽³⁾ YESO akang’arigania. Agantebia, **“Kwaariganigwe!”**

(4) Nkarigereria. Aase aya nigo arenge agiya mono na arenge komesa noborabu obonene. Nigo arenge ase obonene bwa ise. Na agantebia:

“Obuya bwane bwagoisanire.”

(5) Nigo bware obwato obonene mono boroiririe nemete emenetu mono, ne chitirisa chinke. Bokarorekana asende buna ebogisi enene, korende eroisirie buya nobong’aini obonene.

(6) Nkamanya, ekero naigete ime y’ekebekerero kia Omochi Kare, ng’a abanto mbarengi aroro. Nigo bare kwegokia nokobao kwa YESO na bagasanga ase obonene bwaye.

(7) Naende agantebia:

“Obuya bwane bwagoisanire.

Soa ime.”

— Nigo narengi ase obonene bwa Nyasae. Togatera amatera y’ebako, na YESO agasaba.

(8) Agatoboria **totung’ame inse.** – Nkarigereria – Abanto aba barengi ime ase obwato obo tibanchete koba **abakanyeku** bosio bw’omwana o Nyasae.

(9) YESO akabatebia igoro **y’ogotooreka**, na okorenda **Esabato**, igoro **y’ogoonchoreria**, na igoro **y’oborongi ase okwegena**. Nigo arengi korandia **oborongi ase okwegena**. Nigo arengi kobarandera **obotomwa bw’omwaka 1888** bwa Ellen White.

(10) Akaboria abanto aba, abasacha na abakungu, batige ogwechabera kwabo kw’egense: amagena e rigori, ebisembe, engencho ende emegwekano yabo bagosasima.

(11) Nigo twarengi ase obonene bwa Nyasae. Naki yakarengi engaki engiya mono! Naki bwakarengi oboseera bokang’ana, naki obwanchani bwa Nyasae bokang’ana ase baria bachete na barengi ase obonene bwaye!

(12) YESO nigo abanchete na nigo atagete goonchora embwa yabo y’ense ensareku babe ebitongwa ebichenu ebikeranu. Kera egento nigo kiare kogenda buya. Naki omorembe okarengi! Naki okarengi omogoko! Nigo bware buna **obotamero, obwato bwabekire igoro ase ense bogokonya abanto bare ase**

obokong’u bobatoorie korwa ase egesusuro gia kare na kare.

OBORORI

(13) Ase oborori obo, bwango, obwato bogatengecha bobo mono. Ogotengechigwa okonene gokanyegeria obwato. Ngatenena. – YESO agantebia, **“Toiroka kende gionsi.”**

(14) Nigo orengi omotengencho oyio otengechetie obwato bobo mono! – Nyasinywa koeyana, na ngatarera kende gionsi. **“Rageria chimanwa chiane,”** YESO agateba. – Nkaeyana, ntoererete.

(15) YESO akagenderera nokorandia, nigo arengi korandia igoro **y’oborongi ase okwegena**, ogotooreka ase okwegena. Na nigo arengi koirorera mono igoro **ye rituko ria gatano na kabere Esabato na amachiko aye onsi aruete**, ekero naigwete eriogi rinene mobosokano, eriogi rikoigwekana buya mono, rikogukura gocha. Ngatenena.

(16) YESO agantebia, **“Eri nerioyi ri’esunami. ‘Obuya bwane bwagoisanire.’ Rageria chimanwa chaine chie ching’ondi.**

(17) Nigo twarengi ase amasabo, na nkarora ng’a abanto batung’aime konyora tibararusia emegwekano yabo bagosasima.

(18) Togaichana ase engencho egesieri ekenene kiare gotwomwa: Nkarora YESO ogotoremia, na akagenda korora abanto abwo barengi gotura baigororwe. Akaigora egesieri, na, aba iga barengi ime y’obwato bakanyora ribaga eri rigiya, na tibatagete kogenderera gosanga rinde naende ase obonene bwaye. Bakagenda, buna omonto agotiga chibenchichi’ekanisa, naende bakairana gochia ase ense eye y’omosunte.

(19) Bagateba, **“Eki ere (YESO) agatoboria tokore (korenda Esabato) nigo kere egekong’u mono.”** – **“Nigo ababoretie barusie amagena abo e rigori, bakore ogoonchoreria, na batung’ame inse bosio bwaye namaru abo.”**

(20) YESO akabatiga bakagenda atari kobatanga. Ekero baigete isiko, obonene bwa Nyasae bokarwa

asebare. Bakairanerera amaroki abo ime y'ense eye y'omosunte.

(21) Omoganda omonene mono norenge bosio bw'egesieri, obwate okogania okonene bamorore.

Chindoto na Amaroro

Egesieri 537, Oborori Namba 3

OBORORI

(1) Nkarora ng'a nigo bware gokiamoka. Nigo riare rituko ritang'ani ri'echuma, Chumapili.

(2) YESO, omonene, omoseera, bwesogete chianga chindabu, chikomeka-meka, akaigora egesieri ekenene ki'obwato. Egesieri nigo kiarenge ekerito; kegaonchoka ng'ooro ase chimbata chiaye.

(3) Omonene na omoseera, agaeta ase bakomorora. Nabo bamoroche. Nigo are omogambi omonene.

(4) Rituko eri nigo riare rigiya mono; na nkarora ng'a abanto nario barenge koboka ng'ooro, na bagachaka kogenda gochia magega na gochia bosio y'egesieri eke. Na YESO nigo arenge kona koirorera korangeria.

(5) **“Onchoka! Karwe ase chinchera chiaino chimbe! Inchuo! Inchuo! Nigo mokorenda rituko ri'oborimo ri'ogotimoka. Inche ninche obogima, oyokobatooria korwa ase ebibe biaino:**

Onchoka!

(6) YESO nigo arenge korandia bosio bw'egesieri. Akang'usa ebirengererio bia abarenge goeta nchera: **“Nigo mokorenda rituko ri'oborimo ri'omotimoko.”**

(7) Agakwana ayio nerioigi rinene na rikoigwekana buya:

“Chumapili nerituko

ri'oborimo ri'ogotimoka.

Tari rirorio rire

Esabato y'Omochi Kare.”

(8) Nigo bware gochaka koirora. Korwa ekero gochia ekende YESO nigo are gosoa ase obwato bwaye obonene. Korende nigo are koirana arore gose abanto mbarenge aroro abwo bare komotegerera. Akarigereria gochia ensemu

y'okorio na ey'okobee y'egesieri, na akarora ng'a onde tarenge aroro.

(9) Akagenderera koganya. Akagenderera korangeria mono. Nigo bware ang'e koirora.

(10) Risase rigakoora emeremo yaye. YESO agasioka egesieri keria ekenene. Nigo narenge ang'e nasare. Naki bwakarenge oborori bw'ogokumia!

(11) **Ekeru bwabete botuko, abantu bande bagacha korora obwato obo korende tibarengere korigia gosoa aroro.**

Chindoto na Amaroro

Egesieri 537, Oborori Namba 4

OBORORI

(1) Bogakiamoka rituko rikobwatia. Risase rigatongia. Buna botambe, YESO naende akaigora egesieri ekenene ki'obwato, ekio gionchogete ase chimbata chiaye, na akaganya. Ense nigo yare kororekana buya mono, nigo riare rituko rigiya mono.

(2) Ekeru naborigererete korwa isiko, nkarora chitirisa chibwate chinsang'anio inye ase obwato obo. Bokarorekana ase nde buna ebogosi enene, korende enkong'u pa.

(3) YESO nigo aganyete noboremereria obonene mono. Akana koirorera korandia na okorangeria abaeti nchera.

(4) Nkarora ng'a abantu nigo bare gokora ebiorokererio namaboko abo ase emetwe yabo igoro, buna baria bare goteba, “Monto ki oyo? Oyo nomonto ore ebarimo, omonto orwarete omotwe.

(5) Nkarora ense eyio etabwate obomanyi bw'edini na amasikani ase Nyasae. Abasacha, na abakungu (babegete ebirato bibwate egetingiro keimokererete igoro mono), nigo bare koigwekana bagotacha nchera goeta.

(6) Nigo babwate amakaratasi y'oboonchoreria ase amaboko abo, ebirengererio biabo nigo biaganetie abiasara bi'okwenyorerera chibesa, emegondo ase barakorere abiasara (egekogerera nigo narochere ase amaboko abo amakaratasi arikire, chimabu chi'okwagaacha), abande nigo bare ase

oboonchoreria bwabo abanyene bw'ense eye, emeundo, nebinde, nebinde. Bonsi nigo berwete kogenda bosio na nigo bare kwayerera banyore obonda ne chibesa ime ase ense eye: "Omonto goika abe omwango!"

(7) Boigo nkarora, ekeru erioba rigochi korimera, abanto bang'usire nemegoko etari emeronge na ey'obonyaka.

(8) YESO akarangeria rituko eri ria Chumatato rigima; na onde tari ochete komorora, onde tari orengere komwansia.

(9) Ekaba botuko. Nkarora ng'a YESO nigo asiegete egesieri keria ekenene, akageonchora ase chimbata chiaye.

Chindoto na Amaroro Egesieri 537, Oborori Namba 5

OBORORI

(1) Mambia chuni, risase rigachaka gotongia. Eri nigo riare rituko ria gatato. Nigo yare Chumaine. YESO, nao naende arenge bosio bw'egesieri ekenene, akorandia igoro y'Esabato. Agatebia abaeti na baria bamotegererete: **"Nigo mokorenda rituko ri'oborimo ri'ogotimoka; Chumapili tiriri rirorio rituko ri'ogotimoka ri'Omochi Kare."**

(2) **"Inyora rituko ri'omotimoko. Amatuko atano na rimo okore emeremo, korende rituko ria gatano na kabere nerituko ri'omotimoko bw'Omochi Kare."**

(3) Akabatebia igoro ya amachiko ikomi. Aase omokungu ochete gocha asare, agateba, **"Totomana."** – Tarengere omwegenwa ase omosacha oye bweka.

(4) Ase igo, YESO agakwana igoro y'oborongere ase okwegena, oboigweri bw'Esabato, na amachiko onsi arure ase amachiko ikomi:

(5) **"Omwanche Omonene Nyasae oo, na omokorere ere bweka."**

(6) Ase igo, Esabato nigo ere ekemanyererio **ki'oborongere ase okwegena, oborongere bwa Nyasae:**

obwanchani na **oboigweri** ase rituko eri richenu.

(7) YESO agakwana atari kobisa kende: **"Nigo mokorenda rituko ri'oborimo ri'ogotimoka. Chumapili tari rirorio rire rituko ri'ogotimoka ri'Omochi Kare. Nigo mobwate ekemanyererio ki'eng'iti, 666 (ekemanyererio ki'eng'iti):**

Onchoka!

Moiranere Nyasae!

Tama ooorie obogima bwao!"

(8) Abanto bamotegererete bakagechigwa, bakamoroka eosi: "Eye neosi!" bagateba.

(9) YESO akabatoma bagende gosoma Ebuku; na akabatebia, **"Ninche Omonene bw'Esabato."**

(10) Ngasiria oborori igoro yekio. Nigo yare mobaso.

(11) Ase oborori obo, YESO agasoa ase obwato bwaye amo nainche, abwo ase egesieri kiare giasie. Akagenderera koganya ase egeka egetambe nyuma atarasioka kegima atakeigore rinde naende.

(12) Nkarora ng'a onde tari origetie gosoa ase obwato bwaye. Akaba nomoichano.

(13) Na akagenderera kera rituko ri'ewiki goika Ichuma. Nigo yare Esabato mogoroba. YESO nigo arigereretie risase. Akamanya korwa ase ensemu risase riarengere ng'a rituko ri'omotimoko ng'ang'ere rire.

(14) Engaki eye akabogoria amakaratasi arikire, na okorangeria abanto bare goeta bosio bw'obwato bwaye, akabaa amakaratasi arikire.

(15) Amakaratasi aya nigo arengere **gokwana igoro y'Esabato, rituko ri'omotimoko bw'Omochi Kare** ria **Chumamosi**, eki kiabwatetie namegerigwa igoro **y'oborongere ase okwegena.**

(16) Akabaga ebitabu biaye ebisinini – nkarora abanto bagwancha amakaratasi aya, na abande bakayaruta inse. Nigo arengere kobarangeria, okobarangeria abae amakaratasi aya.

(17) Nkarora abakungu bakogenda gochia ase Omonene na bakamoboria buna bararende Esabato. Akabatebia, **“Soma Ebuku; nabo mokonyora amorokererigwa aya onsi ime y’Ebuku.”**

(18) Erio bakagenda na tibaso a ase obwato ime ekeru YESO abaariganetie, bang’usegete mono nemegoko y’ense eye etari emeronge na ey’obokayayu kobua komotunyana Omonene.

(19) Nkarora ng’a ase abanto bande nigo arenge kobatebia eki kerikire ase amakaratasi ayio arenge kobabagera. Omoremereia, omwanchwa, naki aganchete abanto! Abange abasugetigwe nomong’uso oye okogokia, bakamotegerera.

(20) YESO akabaarigania basoe ime ase obwato bwaye abakengere korwa ase ogosarigwa gw’ense eye, okwo kore ang’e. Tibegenete na ase igo bakamotiga Omonene. Nigo barenge abategeneti.

(21) Amatuko ye ewiki agaeta. Abamorigereretie bakagenderera gocha korora obwato ase engencho baganetie koborora, korende nonya Omonene obaariganetie tibasoete ime. Bagachicha, korende naende bakagenda. Nyuma y’okorwao, bakarusia Omonene amamocho.

(22) Nkaba namabera ase engencho ye riyianda ria YESO ase mwanyabanto. Nonya orange goitita, nigo agendererete kobarangeria; tachieti korosa. YESO akarera ase engencho aroche ogosirigwa kware gochia konyora abamenyi b’ense. Akarora na agachandeka ase okorora obororo bwabo nonya tibegenete na bare koengereria amorokererio aye. Akaremereria emerumi yabo: “Nigo are eosi, nigo aichanete.”

(23) Nkarigereria. Chikanisa chionsi chi’ense nao chiare ne chidini chiabo. Neba nkanisa ki barenge, ekerenga ki’engencho mono YESO arenge gokwanera nigoro **y’Esabato, rituko ria ekeene ri’ogotimoka, Chumamosi, Esabato: korwa Ichuma ekeru erioba rikorimera goika Chumamosi ekeru bokoira.** Nigo barenge bosio bw’obwato obo, korende tibasoete ime ekiagera rituko ri’ogotimoka, Esabato, nigo riare kobachanda.

(24) **Rituko ri’ogotimoka, Esabato, nabwo obotomwa YESO akorwa gochia ase ense rero.**

Chindoto na Amaroro Egesieri 537, Oborori Namba 6

OBORORI

(1) Ase oborori nkarora omoganda omonene bwa abanto barigereretie abwo barenge bosio bw’obwato bwa YESO. Omonene akababagera amakaratasi.

(2) Nkamanya ng’a abadibentista barenge ase omoganda mbanyorete amakaratasi aya. Ekerenga ekenene, ring’ana rinene, nigo riare:

OGOONCHOKA:

Tiga ebibe nogosasima emegwekano.

Renda amachiko amachenu a Nyasae.

(3) **Esabato na oboronge ase okwegena** nigo biarikire ne chinuguta chinene ase amasakara. Ase amasakara aya nigo abegegete **obotomwa bw’omwaka 1888 bwa Ellen White.** Ense nigo yaroisetigwe ayio onsi ime yaye.

(4) Abadibentista, ekanisa ya Laodekia, bakanyora obotomwa obwo obwo ime ase chikanisa chiabo. Nyuma ko baakirie amasakara aya eriso, bagateba ase eriogi rikoigwekana ng’a nigo bare ab’engencho kobua abande: “Ekio ogototebia tikeri egento ekegeni. Ekio negento kia botambe. Twabeire tomanyete amariko ya Ellen White ase engaki entambe. Twabeire tokoigwa eke ase Chindoto na Amaroro chia Jeanine Sautron. Tori gotosomia kende kegeni.”

(5) Bagaaaka egeturi, bakamoira Omonene Yeso buna ndiria arenge ebarimo. “Nigo asaregete omotwe,” bagateba; “obwo obwo nabwo obotomwa bore ase YouTube na ase eintaneti kera engaki.”

(6) Tibabwate egetamero. – Yeso agateba: **“Ekanisa ya Filadefia yasokirie oborabu obowonsi gochia ase ense ase You Tube na ase eintaneti.”**

(7) Nkarora ng’a YESO nigo arenge nomoichano. Tare konyara kobakorera kende gionsi. Takwaneti kende. Korende nkarora ng’a

nigo aimokereretie amaiso aye igoro na akarigereria risase, nigo yareng chinsa 10 chia mobaso Ichuma, rituko ri'omoerio ri'ogokora emeremo ri'echuma nyuma Esabato etaraso. Rituko nkoera riare.

⁽⁸⁾ Nkarora ng'a YESO bwangirwe eria kabere na abadibentista: ase Chindoto na Amaroro na bosio bw'obwato bwaye, ekerobaaariganetie basoe ime, buna akorete nabanto bakorenda Chumapili, rituko ri'oborimo ri'ogotimoka.

⁽⁹⁾ Abadibentista nigo bairire koba abanto bakorenda rituko eri, **Chumapili**, ekiagera YESO obwekanirie abadibentista aba nabanto bakorenda Chumapili na babwate ekemanyererio kiaye, **666**.²²

⁽¹⁰⁾ Bosio bw'obwato bware bwasi, abadibentista bakanga gosoa ime, bakamorama YESO, na bakanga amakaratasi aye. Okorangeria Omonene akorete tikwabagogetie. Nigo bamanyete amange; tibamoganeti YESO rinde naende nonya ng'ake; tibaganetie kweriga-rigia abanyene naende.³ Nigo bare **abanto bagwancherana nogoanchoreria okonene kw'ebikorwa bi'abanto nebia siasa,**” Omonene agantebia, **“abanto bagwancherana nogoanchoreria okonene kw'ebikorwa bia abanto nebia siasa, abaiseke abariri.”**

⁽¹¹⁾ Nigo bare ababe mono kobua abanto b'ense. Nigo bamanyete amorokererio a YESO, omwana o Nyasae, korende tibayabegete ase ebikorwa.⁴

⁽¹²⁾ Agateba, **“Nigo bare abategeneti, ebirecha bie chinyama namanyinga.”**

Chindoto na Amaroro
Egesieri 537, Oborori Namba 7
Oborori

2

3

4

⁽¹⁾ Nkarora risase rire ang'e korimera. YESO agatenena gati-gati y'egesieri na agachaka korangeria rioka rioka.

⁽²⁾ Ase ekerobokaba ase obotongi. Ekarorekana asende ng'a kera egento giatenenire, bikamotiga YESO bweka nobwato bwaye. Nkaba nomoichano Omonene, omoichano bw'amakweri, ayio asung'unaine igoro ase ense.

⁽³⁾ Naki yakareng omoichano okang'ana! **YESO OTEEMIRE CHINCHERA CHIAYE CHIONSI.** Oteemire kera egento, oteemire kera egento, na oremereirie gokorerwa-bobe goikera ekerengo abanto b'ense bakomorama na abadibentista abwo bakomoroka ebarimo na bamotebia ng'a nigo asaregete omotwe.⁵

⁽⁴⁾ Nkarora Yeso okorera. Nkaba namabera ekerobonaroche obwanchani obonge mono, amabera amange mono ase mwanyabanto.

⁽⁵⁾ Agatebia ise ore igoro, okomworokia amaboko aye abochoire na amagoro aye abochoire:

“Tata, tata,

Nateemire kera egento.

Nabeire nkorangeria.

Onde taiyo oitabire

okorangeria kwane.

Amanyinga aane! Amanyinga aane! Amanyinga aane!”

⁽⁶⁾ Erio agantebia nsoe ase obwato bwaye.

⁽⁷⁾ YESO agatigara ore ime ewiki eyemo naende. Agatiga egesieri kere giasie. Engaki y'ewiki eyio egesieri kiaigoire, YESO akaba ogokora amasabo na gotera chizaburi.

⁽⁸⁾ Nigo naikaransete aase aya ekerobonaroche abanto gete bagocha komorora Yeso, naende bakamotebia: “Intwe nabaKatoliki; titokorenda Esabato.”

⁽⁹⁾ Ekeroki'ewiki eyio, nkarora egesieri eke ekenene kegoire. Abanto bake bagacha komorora YESO ime ase obwato bwaye erio banyore obotamero aroro, bagechaya, bageitia ase engencho

5

batairete ribaga eri rigiya ri'ogorora kwaye, na ase engencho bamoramete. Nonya Omonene obaariganetie, nigo bagendete batairane aroro rinde.

⁽¹⁰⁾ “Okonyorwa kwabeire okonene mono,” bagateba, “korenda Esabato ribaga ria Chumapili.” Bagachora Chumapili.

⁽¹¹⁾ Abande nigo bare gocha bare nokogania okonene gw'okomochecheria. Nkarora abanto bare isiko bagoteba: “Ninki gose agokora ere bweka ime y'obwato bonga buna obo?” Bagachecheria nonya nobwato bwaye, obwo botare kobagokia, ekiagera tibware kororekana kongu buna obwato bw'ense.

⁽¹²⁾ Ewiki ekaera. Naende YESO akarigereria. Onde tari otagete gosoa. Agatenena bosio bw'egesieri ki'obwato bwaye, akaganya ase egeka egetambe. Aande omonto nabo ataroke nonya noyomo orache.

⁽¹³⁾ Ekaba Ichuma. Akarigereria igoro ase risase erio riarenge ang'e korimera. Nigo narenge ensemu asare ekero asiegete egesieri eke ekenene mono, egetambe gochia igoro na ekerito mono, ekio giaswenenete ase chimbata chiaye.

⁽¹⁴⁾ Nkarigereria. **Egesieri giasiekirwe.** Ase bono iga, **eki kegochia konyora mwanyabanto giatikeranire getaonchorwe kare na kare,** batigeirwe saitani na ebirecha biaye.

Oborori

⁽¹⁵⁾ Nkarora omosunte ogotuba ense, okomumeka obwato. Buna ewiki yairire, YESO nao are ime ase obwato bwaye, agokora amasabo, kagotera, na akaira chichanti. Akaimokia amaboko aye gochia igoro: “**Tata...**”

Chindoto na Amaroro

Egesieri 537, oborori Namba 8

Oborori

⁽¹⁾ Nigo bware botuko. Omosunte nigo orange gotuba ense na ogatuba **obwato bogokonya mwanyabanto.**

⁽²⁾ Nkarora ng'a nario bware gokiamoka. Isiko, abanto ngocha barenge na bagasongerera obwato

bwaye goetanana. Nigo baganyete YESO asoke korwa ase obotamero obo. Abande bagasinywa koremereria na bakagenda.

⁽³⁾ Ekero baroche oborabu bogotera ase chintamang'o chie chitirisa chinke, bagateba, “Oborabu mbore ime. Moyo are, moyo are; tarakwa.”

⁽⁴⁾ Bageitia buna bakorerete YESO bobo mono namang'ana abo. Ekero baroche egesunte ekerima ekio giatubete ense, bakamanya ng'a amagima abo nigo are ase obokong'u; bakamanya ekero okonyorwa kwabeire okonene mono ng'a goika bare komorigia buna bakonyara erio basoe ase obwato bwaye batoorie amagima abo. Ensa eye tiyareng'e ey'ogokora egosori nigo yare ey'engencho mono.

⁽⁵⁾ Bageitia buna bakorerete YESO bobo goetera ase amang'ana abo. Ase ewiki eyemo, naende ewiki ende eyemo yamentetwe ogosemeria kw'ogotooria amagima abo nkwareng'e aroro. Onde tari ochete.

⁽⁶⁾ Korende engaki embe mono egaika ekero **EGESIERI GETAIGORWE RINDE, TIGEKOIGORWA RINDE NAENDE.**

Obee! Naki abanto bakamotagete bono!

Obee! Naki bare gocha gokora kende gionsi erio abaitabe na ababere ase okomooombia na komoira koba ebarimo na komochoria! Naki gwakarenge ogweitia gokang'ana nogwechaya!

⁽⁷⁾ Ase igo, **abanto b'ense bakamanya ekero okonyorwa kwabeire okonene mono ng'a tari Jeanine Sautron ore gokwanera abadibentista nense goetera ase Chindoto na Amaroro ase YouTube na ase inteneti.**

⁽⁸⁾ **Bagancherana ng'a nigo**

bangete ogotooreka kwabo

na obuya bwa YESO,

obwo baetwe boonchore obogima bwabo bw'ebibe.

(9) Nkarora amariga. Abande nigo barenge gosunyora etukia yabo. Nkaigwa okoriananigwa kwa amaino. Bagaturungana inse ase ebuse ya amaroba. Bagasogwa nokwerusia moyo ase amakweri a kare na kare. Ase ensa eye, YESO, omwana o Nyasae, tare kobakonya korwa ase amakweri a kare na kare.

Oborori

(10) Ase oborori obo nkarora ng'a omwana o Nyasae konyora obatebirie, **“Inchuo! Inchuo! Aase nareo ase kera oyomo. Inchuo buna ore igo!”**

(11) Engaki ya amatuko ayio ekeru obwato bwarenge ase egati ya abanto b'ense eye, ere (YESO) naende agatoma okwarigania oko: **Aase nareo ase bonsi pi.”**

(12) Nkarora ng'a **tibamoitabete YESO ase engencho Y'ESABATO** ye rituko ria gatano na kabere. **Bagancha rituko ri'oborimo ri'ogotimoka: Chumapili.**

(13) Bagakong'ia chinkoro chiabo goikera ekerengo batinete amato batareng konyara koigwa okorangeria kwaye. Nao nareng; nigo nareng ndigereretie. Nigo bareng nenchara na erang'o y'okoigwa amang'ana akorwa ase omonwa oye.

(14) Engaki egaika ekeru abanto aba basinyetwe koremereria. Nigo bare korigia ase obwato gose ekebao egesinini nkereu ase beremigererie basoe ime.

(15) Kende tikiareng aroro. Eki gioka naroch ne chitamang'o chinsinini ase chitirisa, echio chiare gotiga obonene bore ime bororwe.

(16) Abanto bareng isiko bagacha koborwa oboremereria: “Ninki agokora ime ase obwato bwaye? Nigo toroch oborabu, oborabu oboke. Moyu are; tiga naende torangerie; aande nabo arabaise gotoigorera egesieri.”

(17) Bonsi bagaaka egeturi: **“Moyu are!**

Moyu are!

Ere nomwana o Nyasae!”

(18) Eriu nario bamorete na bagaka chinyasi chie emeri chintacho ne chinkundi chiabo namagoro

abo, bagateba, “Ngotoiraneria are?” Bagatwora “Toigorere! Toigorere! Toigorere! Isiko aiga nigo bore botuko.”

(19) Bagasorora YESO, korende embwa yabo y'obomwanyabanto ekaorokia obosareku bw'egense. – “Toigorere! bagaaka egeturi, “nigo totagete goso ime’ – Egesieri tikeigogeti.

(20) Bagatura ase engaki entambe, engaki entambe, bakaba goika botuko gati, barendete, baganyete, ng'a YESO, okorosa koigwa buna bagotura, nabaigorere egesieri; korende tiyaba bo.

(21) Nkaba ase oborori obo goika mambia chuni **y'Esabato** y'ewiki ekobwatia.

Chindoto na Amaroro

Egesieri 537, Oborori Namba 9

Oborori

(1) Obotuko bokaera. Nkarora risase rigosaseria rigotongia. Nigo riare **Rituko ri'Esabato.**

(2) Ase omoichano bwa abanto aba bagosegasega, bagechirie, egesieri naende gekaigoka. – Omonto oyo, omotambe, omotambe mono – YESO agacha ase abanto aba bagechirie na bakoega-ega bamoroche. Akeorokia omonyene asebare. Bonsi bagasioka emenwa yabo. Naki bwakareng obokiriru bokang'ana!

(3) Nkarora abande babo bagotung'ama inse bosio bwa YESO komosasima; abande bagatera amatera y'ebako.

(4) Abanto aba bagekumba bosio bwa YESO buna ndiria batagete ababere enchera bamoigwerete bobo. Abande bagatenena ang'e mono nasare, basemeretie bamotunyane bono, na bakamotobia ng'a eyanga yaye nigo yareng endabu mono, eyio yareng kobamesera.

(5) YESO, oichire nobwanchani, tabangete; mamincha yekio, akabarorera amabera. Eriogi riaye nigo riareng rigiya mono, korende amang'ana aye nigo aichire nobororo. Akabatebia,

(6) **“Inwe mbarabi? Momanyete? Timanyeti ase mokorwa. Inwe nigo momanyete, korende timbamanyeti.”**

(7) YESO akaenekia ng'a osiekire egesieri magega yaye. Akabatebia, **“Bono nario mogakare koboka na mokondigia? Okonyorwa kwabeire okonene mono! Nigo mwaikire ekeru mwanyorirwe mono. Egesieri giasiekirwe kare na kare. Tigekoigorwa. Genda morere chinyasae chiria mwachorire,** chisanamu chiaino na emegoko eye egoeta eyio mwanchete igoro ase ense. Bono genda ase abarisia baino abatayayi; tiga babatoorie korwa ase amakweri a kare na kare.”

(8) YESO agakwanera ekerenga ki'engenchonene mono: **“Nkorenda more Esabato ye rituko ria gatano na kabere, korwa Ichuma ekeru erioba rikorimera goika Chumamosi ekeru erioba rikorimera?”**

(9) Bakairaneria: **“Titokorenda rituko eri: Chumamosi. Ntobwate rituko riaito togotimoka, Chumapili.”**

(10) YESO akabatebia, **“Eri nerituko ri'oborimo ri'ogotimoka. Ninche YESO, Omonene bw'Esabato.”**

(11) Omonene akabamanyia ng'a **bangire koorokia ebibe biabo,** na tibar **abakoreri ba Nyasae igoro ase ense;** ase igo, tibakomokorera igoro aiga ase ense gose igoro. Baurirwe obokoreri bw'obokuan **bwaye.**

(12) Akabatebia, **“Timoracheneka ase okwegena. Timobwati oborongwe bwane, gose koigwera amachiko aane, na timorakora ogoonchoreria. Timokonyara komenya amo nabachenu⁶ ase obonene bwane. Nigo more neubi na timori abaikeranu. Irana gochia ase mwarwa, nigo more abaiseke abariri, mochaboire NOBORONGE bwa KRISTO:**

OBWANCHANI na OKWEGENA.”

(13) **“Genda,”** YESO agateba, **“genda morere isiko ase chinyasae mwachorire. Nigo morarente emechando ase abachenu ime ase obwato bwane**

inse kobatiga mosoe aase aya. Genda na mosasime emegwekano yeino y'ogosasima.”

(14) Bono YESO, Omwana o Nyasae, agateba: **“Nasiekire egesieri ki'obwato bwane⁷ obwo nabegete igoro ase ense. Bono okonyorwa kwabeire. Onde tari orasoe ime yaye naende. Ekeru nare kobarangeria timwang'iraneretie. Ekeru nare kobarera, nigo mwantebetie ng'a nigo nde ebarimo, nsaregete omotwe. Naboigo mwabeire mogokorera ababani mwatomeretwe. Mwabeire more emetino ekeru narengwe kobarangeria.”**

(15) **“Nigo mwanchete obotomani na emegoko mweroseirie igoro ase ense. Mwachorire enchera engare eyio ekoraa gochia ase obosaria.”** - YESO agakwana maiso marore – **“Timoraba abakoreri ba Nyasae igoro ase ense eye. Timbamanyeti.”**

(16) Nkamanya goetera ase amang'ana aya ng'a obuya bwaye bwarusigwe korwa ase ense, **korende tari korwa ase abachenu baye.**

Chindoto na Amaroro

Egesieri 537, Oborori Namba 10

(1) Ense yagambigwe, abare moyo na abakure:

Ense yasiekeirwe egesieri

ki'obuya

ekio getaigorwe rinde naende.

Ogosarigwa kwaye nigo kore

ang'e mono.

Ense ngochia ere goeta,

amo nabamenyi baye boni.⁸

(2) YESO akaorokia: Otatiga 144,000 abwo babekirwe ekemanyererio nomouri o Nyasae, mwanyabanto abwo bataraarigania obuya bwaye nigo omwana o Nyasae akobaroka:

ebirecha bire nomobere na amanyinga,⁹ babwate **ekemanyererio ki'omobisa o kristo: 666**, amo **nomobwekano oye: Chumapili**.¹⁰

⁽³⁾ **Eng'eria ya kera omonto yaenekigwe eyio etaonchorwe rinde.** YESO orure ase ense pi, otigeire saitani aase aya anene na ebirecha biaye.

⁽⁴⁾ Nkarora YESO okorwa ase ense. Agatiira gochia igoro ase Ise. Otigeire saitani ense eye na ebirecha biaye.

⁽⁵⁾ Ase bono iga, **ense nigo ere inse ase ebitabo bitano na kemo bi'endamwamu ya Nyasae**, ebio bigoitekera abatamosigeti Nyasae. **Nigo bichire namabera a Nyasae.** Onye tari bo, kanga kera egentu kere ime ye enyancha, igoro ase ense, na ase embeo, nigo bionsi biare gokwa.

⁽⁶⁾ Akang'orokeria: **Egetabo kia gatano na kabere nigo keraumorwe mabera ataiyo;** na abachenu basiekeire amo na YESO mbakemanye:

Oyo nomoerio!

⁽⁷⁾ Omwana o Nyasae otomire amakara agwoka ayio asaririe obotongi, okoba gw'ense, riberera na amache.

⁽⁸⁾ Nkorokigwa, amache naro arabe ogoakwa okobe mono, ayio aratige emechie emenene na ebinyoro bimenyire ase omosunte. Abanda na abataka mbabe inse ase riakwa eri riamakara agwoka omoreru:

YESO agateba," **Onde tari oraminchorie!**

⁽⁹⁾ Nyasae nanchete ense eye amo nabamenyi baye. Nigo are **Nyasae bw'obwanchani.** Korende abamenyi b'ense eye bebire amachiko aye, na bamorosirie ase oboremereria bwaye. Nyasae nkobaa are egesusuro namakara agwoka na

ebikombe bitano na rimo biaumoirwe igoro ase ense bibabeke ase emechando.

⁽¹⁰⁾ Obwato obo bobekire igoro ase ense nabo bore omoundo bw'obwato bwa Nuhu. Nigo boroseirie emete yoka.

⁽¹¹⁾ Ase igo **Nyasae, tata, Yeso omwana, na omoika Omochenu, bagacha ase ense koyeretera obotomwa bw'obwanchani goetera ase Chindoto na Amaroro chia Jeanine Sautron,** echio chikobaorokeria ogosarigwa kwa abanyabibe na abatamosigeti Nyasae igoro ase ense, bwango.

Nigo kore gesieri namonwa!

Oyo nomoerio.

⁽¹²⁾ YESO oorokirie ng'a omoreru oyio okobera gati-gati y'ense bwango notube ense. Nigo erasarigwe nomoreru, otatige abanyabibe na abatamosigeti Nyasae baminchorie. Orure ase ense.

⁽¹³⁾ Bwango, riakwa rinde eri rigochia kogwa igoro ase ense, igoro ya Fransi, nigo rirabe Chernobyl.

⁽¹⁴⁾ **Bwango ense ngochia ere gosarigwa nomoreru, bwango mono:**

Oyo noro ore

omoerio bw'ensa.

⁽¹⁵⁾ Omoerio o kera omonto omomenyete igoro aiga ase ense oenekigwe etaonchorwe rinde.

Onde tari oraminchorie!

Nyasae nobwanchani.

⁽¹⁷⁾ YESO ong'orokeyirie ng'a ngochiare koirania **omorembe na obwanchani** ase ense enyia, Esabato igoro ase ense enyia ebwataine ne chinse chimenyire, echio chikorenda **Esabato** enchenu y'omochi Kare.

⁽¹⁸⁾ Yaikeranire; oyo nomoerio **bwa abanyabibe, abatari koigwera amachiko aye.** YESO ngochia are gochena ense. Akarwa ogochika: **Egesieri giasiekirwe**

kare na kare.

⁽¹⁹⁾ **Emeremo y'omomalaika o gatato, na oyo kane, yaikeire ase ekonuchera.**

⁽²⁰⁾ Obwato nigo bwabegetwe igoro aiga ase
ense eye gotooria mwanabanto. Ase abamenyi
b'ense ogotooreka oko kwangirwe.
**Bagambigwe. Ense yasiekehrwe egesieri
ki'obuya. Onde bono taiyo oraonchoke.**

⁽²¹⁾ Abanto bengaki ya Nuhu mbasiekeretwe
egesieri eke agwo kare.

**Rero iga ense eye
yasiekehrwe egesieri, eyio
omoerio oye oenekigwe oyio
etanyarekane ochenchigwe.**

⁽²²⁾ **Oyo NOMOERIO.**

⁽²³⁾ **Onde tari oratoorigwe.**¹³

Ense yanacheirwe ekina.

⁽²⁴⁾ YESO akanyorokia egetabu, "*Esegi Enene*"
kia Ellen White:

esegi eye nkoera ere

BONO.

⁽²⁵⁾ **Obotomwa bw'omwana o Nyasae
boorokirie goetera ase Chindoto na
Amaroro chia Jeanine Sautron.**

Jeanine Sautron